

REPUBLIKA E SHQIPËRISË
MINISTRIA E KULTURËS
SEKRETARI I PËRGJITHSHËM

Nr. 3246/1 Prot

Tiranë më, 29 . 6 . 2015

Lënda: kthim përgjigje

Drejtuar : **Z. Dorian MATLIJA,**
Drejtor Ekzekutiv i Qendres “Res Publica”
Bulevardi “Gjergj Fishta”, Nd.24, H3 AP.44 Kati i 9

Tiranë

I nderuar z. Matlija,

Në përgjigje të shkresës suaj nr. 074/15 datë 25.06.2015 ku kërkon informacion në lidhje me fondet për aktivitetin e vizitës së Papa Françeskut në Shqipëri me datë 21.9.2014 ju bëjmë me dije se :

Me Vendim të Këshillit të Ministrave nr. 440 datë 2.7.2014 “ *Për krijimin e komisionit shtetëror për bashkërendimin e punës për organizimin e aktiviteteve lidhur me vizitën e Papa Françeskut në Shqipëri, në datën 21 shtator 2014*”, u krijua Komisioni Shtetëror për vizitën e Papa Françeskut në Shqipëri ku Ministria e Kulturës u përfshi në veprimtarinë e këtij komisioni në kuadër të kryesimit të tij nga ana e Ministrisë të Kulturës. Në përgjigje të kërkesave tuaja vlen të theksohet se vendimet e këtij komisioni dhe zbatimi i tyre nga ana e Ministrisë së Kulturës dhe institucioneve të saj të varësisë ishin Pastrimi i Fasadave të Sheshit “Nënë Tereza”, Rikonstruksioni i Muzeut Historik Kombëtar, Rehabilitimi i Pallatit të Kongreseve, Dekorimi i qytetit të Tiranës për vizitën e Papa Françeskut, Mbështetja teknike organizative e gazetarëve të huaj në hapjen e një qendre mediatike, miratimi i kalendarit artistik i cili do të shoqëronte vizitën e Papa Françeskut.

Në lidhje me projektin për “Pastrimin e Fasadave të Sheshit “Nënë Tereza”, projekti i hartuar nga Instituti i Monumenteve të Kulturës dhe i miratuar nga Këshilli Kombëtar i Restaurimeve me projekt dhe preventiv ndër të tjera përfshin disa faza punimesh sic janë punime në fasadën e Universitetit Politeknik të Tiranës, punime në fasadën e Akademisë së Arteve, punime në fasadën e Qendrës së Studimeve Albanologjike dhe Bibliotekën e Universitetit Politeknik të Tiranës, punime në fasadën e Rektoratit të Universitetit të Tiranës, punime për ndërtimin e ndricimit të fasadave të objekteve të sheshit “Nënë Tereza”, gjithashtu janë parashikuar prishje mure me tulla betoni, prishje punimesh betoni si edhe transportin e këtyre mbetjeve, gjelbërimi i

Adresa: Rruga e Kavajës, nr 1, Tiranë

Email: info@kultura.gov.al

www.kultura.gov.al



MINISTRIA E KULTURËS

anëve të Universitetit Politeknik të Tiranës. Ministria e Kulturës në zbatim të vendimit të KKR zhvilloi projektin për Sheshin “Nënë Tereza” me vlerë 65,124,862 lekësh.


Gjithashtu projekti i rikonstruksionit të Muzeut Historik Kombëtar i hartuar nga Instituti i Monumenteve të Kulturës dhe i miratuar me vendim të Këshillit Kombëtar të Restaurimeve me projekt dhe preventiv përfshin ndër të tjera punime si restaurimi dhe ndërtimi ku kemi punime për pastrim fasade nga pluhuri dhe depozitimet, pastrime të atriumit të muzeut, veshje muresh me letër muri të cilësisë së parë, shtresa me pllaka mermeri si edhe zvendësimi i pllakave të dëmtuara me ato të reja, restaurim dyersh dhe dritaresh, punime riparimi i pajisjeve të tualeteve, si edhe vendosje mokat për shkallët, kemi vendosje ashensori, sistem monitorimi me kamera, vendosja e tabelave informuese. Në zbatim të vendimit të KKR, Ministria e Kulturës zhvilloi projektin me vlerë 47,367,263 lekë.

Projekti i punimeve rehabilituese të Pallatit të Kongreseve i miratuar me vendim të Këshillit Kombëtar të Restaurimeve përfshin ndër të tjera punime si shtrim i katit të nëntokës me rezinë, rrashnim dhe lucidim i dyshemesë së hollit kryesor, lysterje murature të katit të nëntokës, rikonstruksion total të tualeteve dhe pajisja e tyre me closet, rubineta, dyer etj. Patrim tavanesh, pastrim fasadash nga jashtë, riparime të banakut dhe kundrabanakut të barit të ndodhur brenda Pallatit të Kongreseve, riparim grilash, riparim shatërvanesh ndërtim i tavolinës së rrumbullakët nga shatërvani brenda, Sistem i ri fonie dhe sistem i ri ndricimi për Pallatin e Kongreseve. Ministria e Kulturës në zbatim të vendimit të KKR zhvilloi projektin me vlerë 38,480,967 lekë.

Projekti i realizimit të dekorit të qytetit të Tiranës, është një projekt i cili vizualisht dhe nga ana protokollare është miratuar nga Protokolli i Vatikanit dhe Protokolli i Shtetit në Shqipëri. Projekti i dekorit përfshin ndër të tjera vendosjen e flamujve, billborde, fotot e martirëve, fonia, ekranet led në bulevardin Dëshmorët e Kombit dhe Sheshin Nënë Tereza, si edhe cdo aspekt tjetër dekorativ dhe organizativ të nevojshëm për vizitën e Papa Franceskut. Vlera e projektit të dekorit të qytetit të Tiranës është 47,391,537 lekë.

Gjithashtu për pritjen sa më dinjitoze të 1000 gazetarëve të huaj të cilët zhvilluan transmetimet live të Vizitës së Papa Franceskut, u ndërtua në ambjentet e Pallatit të Kongreseve Qendra Mediatike me të gjitha pajisjet e nevojshme për nevojat e Gazetarëve të huaj dhe ata shqiptarë. Vlera e kësaj qendre mediatike ku përfshinte të gjitha pajisjet teknike, logjistike, wifi etj është në shumën e 8.900.000 lekësh.

Pjesë e rëndësishme e meshës së Papa Franceskut ishte edhe ndërtimi i Altarit të Meshës sipas specifikimeve të Vatikanit bazuar në projektin e hartuar nga Zv.Ministri i Kulturës, z.Zef Cuni si edhe podiumeve të gazetarëve dhe dekorimet e tyre me rastin e vizitës, ku vlera e akorduar për Ministrinë e Kulturës për këtë projekt është 13,065,606 lekë.



REPUBLIKA E SHQIPËRISË

MINISTRIA E KULTURËS

Makinat e përdorura për ceremonialin e vizitës së Papa Françeskut kushtuan në vlerën 478,800 lekë.

Një ndër kulmimet e aktiviteteve kulturore të Kalendarit Artistik “Waiting for the Pope” së Ministrisë së Kulturës ishte ekspozita “Besim” e celur në ambientet e Muzeut Historik Kombëtar ku kjo ekspozitë pati bashkëfinancim të Ministrisë së Kulturës dhe donatorëve privatë. Vlera e përdorur nga buxheti i Shtetit për ekspozitën dhe aktivitetin kulturor është 8.400.000 lekë.

Aktivitete të Kalendarit artistik “Waiting for the Pope” u mbështet nga buxheti i Ministrisë së Kulturës në vlerën 1, 664, 894 lekë.

Për sa më sipër duke bërë një vlerësim përfundimtar theksoj se fondet publike të përdorura në kuadër të vizitës së Papa Françeskut në Shqipëri janë 230.873.929 lekë nga të cilat 66% e shumës janë Investime të qëndrueshme dhe 34 % janë shërbime.

Duke ju falenderuar për mirëkuptimin dhe bashkëpunimin,

SEKRETAR I PËRGJITHSHËM

Elira KOKONA



Adresa: Rruga Aleksander Moisiu “Ish Kinostudio”, nr 76, Tiranë

Email: info@kultura.gov.al

www.kultura.gov.al